

TSWVYIM LOS NTAWM VAJ NTSUJPLIG

Spiritual Gifts

Zaajqha 6 – Tsivdlim 35:30 – 36:7

Tswvyim Ntawm Vaaj Ntsujplig Rua Kev Pehawm Vaajtswv

Thaus Vaajtswv khaiv Mauxes moog thov kuas vaajntxwv Falaus tso cov tuabneeg Yixalayeess tawm huv tebchaws Isziv, Vaajtswv kuas Mauxes has le nuav rua vaajntxwv Falaus,

“Tug Tswv, kws yog cov tuabneeg Henplais tug Vaajtswv, xaa kuv tuaj has rua koj le nuav: ‘Koj cale tso kuv cov tuabneeg moog, kuas puab tau moog pehawm kuv tom roob mojsaab qhua’” (Tsivdlaim 7:16).

Tomqaab puab tawm huv tebchaws Isziv lug lawm, Vaajtswv txhaj cobcim kuas Mauxes coj cov tuabneeg Yixalayeess ua ib lub tsev ntaub lug ua qhov chaw pehawm Vaajtswv.

“Mej yuav tau ua lub tsev ntaub hab tej cuabyeej lawv nraim le tug qauv kws kuv yuav qha koj” (Tsivdlim 25:9).

Vim tsi muaj cov tuabneeg kws txawj ua teg num ntawd Vaaj Ntsujplig txhaj muab tswvyim rua qee leej kuas puab muaj peejxwv ua tau. Nyeem Tsivdlaim 35:30 – 35, txuas rua 36:1-7) uantej koj teb cov lug nug.

1. Ntawm 35:30-35, ob tug tuabneeg kws Vaaj Ntsujplig pub tswvyim lug ua tej cuabyeej rua lub Tsev Ntaub npe hu lecaag?

(1) _____
(2) _____

2. Ntawm 35:34, vim tej dlejnmuaj muaj ntau, obtug yuavtsum ua lecaag hab?

3. Dluale, koj moog nyeem Tsivdlim 31:1-12. Sau kuas taagnrho tej dlejnum kws Npexalees hab Auhauli-as obtug yuavtsum tau ua rua ntawm nuav.

4. Ntawm 36:2-7. Vim Vaaj Ntsujplig pub tswvyim rua ibtxha txawj ua tej cuabyeej siv rua huv lub Tsev Ntaub hab ua tej tsoogtsho rua cov povthawj hlub (priests) naav, tej nuav ua rua cov pejxeem pum hab ua rua puab kubsab lug ua dlaabtsi?

5. Tam nuav los uantej yuav muaj ib lub tuamtsev lug ua chaw pehawm Vaajtswv hab cobqha tej mivnyuas kuas paub Vaajtswv, tug txawj yaam twg yuav tau kubsab lug tuaj paab ua yaam ntawd. Hab txhua tug kws muaj nyaj yuavtsum zoo sab hlo qee puab tej nyajtxag tuaj paab. Tsi yog yuav qha kuas koj khaavtxiv, tabsis ntawm koj ne, koj tau siv koj lub tswvyim ua dlaabtsi, hab tau paab nyaj lecaag ua Vaajtswv lub tuamtsev? (Sau ca ua chaw ncu hab thaam qha lwm tug le koj xaav qha).

6. Yaam kws Vaajtswv ntshaw tshaaj yog xaav kuas cov tuabneeg kws paub Vaajtswv lawm siv sijhawm pehawm Nwg. Vaajtswv tso cov Yixalayees tawm nraag Isziv lug yog kuas paub siv sijhawm pehawm Nwg. Nub su (Sunday), yog nub pehawm Vaajtswv. Yog koj tsi tuaj pehawm Vaajtswv huv tuamtsev tes yog koj moog pehawm lwm yaam lawm. Xaav seb koj tug Vaajtswv kws koj pheej moog pehawm nub (Sunday) ntawd yog dlaabtsi? Sau rua ntawm nuav:

Tomqaab ntawd koj cale txhuscaug thov Vaajtswv zaamtxim, hab txij nub nua moog koj yuavtsum moog pehawm Vaajtswv kuas cuagnua.

Statistics qha has tas xyoo 2019, muaj 65% ntawm cov tuabneeg kws nyob huv tebchaws Amelikas nuav has tas puab ntseeg Vaajtswv. Tabsis cov kws moog kev pehawm Vaajtswv txhua lub limtam yog 35%. Cov kws moog pehawm ib hlis ib-ob zag yog 33%. Cov kws has tas puab tub tsi moog pehawm Vaajtswv ntev lawm yog 30%.

Yog Vaajtswv txhiv (txhvw) yug lug nyob dlawb xwb, tsi pehawm Vaajtswv le ntshe Vaajtswv tusab kawg le.

Yaam peb txawj hab tej nyajtxag kws peb muaj yog Vaajtswv muab. Vaajtswv xaav kuas peb siv tej ntawd ua Vaajtswv dlejnum. Qhov ntawd txhaj yog peb pehawm Nwg tag-tag (Loo 12:1).